

29 SEPTEMBER 2017

Tiga kaki lalok gagal lolos diri

Tiga kaki lalok gagal lolos diri

Tak sempat ambil bekalan dadah, suspek yang juga tiga beradik itu dicekup dalam Op Perdana AADK Selangor

SUNGAI BESAR - Tiga beradik kaki lalok yang ingin mendapatkan bekalan dadah dicekup Agensi Anti Dadah Kebangsaan (AADK) dalam serbuan di Lorong 1 Bagan Sungai Besar, di sini, kelmarin.

Ketua Pegawai AADK Daerah Sabak Bernam, Zurina Saifuddin berkata, ketiga-tiga mereka berusia 28, 29 dan 36 tahun itu diberkas dalam sebuah kereta yang sama ketika dalam perjalanan masuk ke dalam kawasan penagihan terbabit.

Bagaimanapun, katanya, ketiga-tiga mereka gagal meloloskan diri, sebaliknya ditahan dalam Op Perdana AADK Selangor yang bermula pada jam 6.30 pagi dan berakhir pada jam 6 petang.

INFO • Operasi dijalankan di Hulu Selangor, Kuala Selangor dan Sabak Bernam

"Operasi diketuai Pengarah Cure and Care Rehabilitation Centre (CCRC) Dengkil, Jailani Tumeran bersama 47 anggotanya," katanya kepada *Sinar Harian*.

Zurina berkata, selain penahanan tiga beradik itu, seorang penagih turut tergamak membawa anak lelakinya berusia empat tahun semata-mata ingin melepaskan nafsu ketagihan.

"Operasi ini memeriksa seramai 46 orang yang mana 39 daripada yang ditahan itu



Sebahagian penagih yang ditahan dalam operasi di Bagan Sungai Besar.

positif dadah," katanya.

Katanya, mereka yang ditahan dalam operasi itu ber-

usia lingkungan 21 hingga 60 tahun.

Beliau berkata, opera-

si yang dijalankan di Bagan Sungai Besar adalah operasi serentak di tiga daerah

yang dilaksanakan di Hulu Selangor, Kuala Selangor dan Sabak Bernam.

"Dalam operasi di tiga daerah terbabit, kita telah memeriksa seramai 71 orang dengan seramai 60 daripada mereka didapati positif dadah.

"Hasil urin mendapati kesemua mereka positif dadah jenis opiat, morfin dan *methamphetamine*," katanya.

Katanya, kesemua mereka yang ditahan itu disiasat mengikut Seksyen 3(1) Akta Penagih Dadah (Rawatan dan Pemulihan) 1983 dan Seksyen 6(2)(c) Akta Penagih Dadah (Rawatan dan Pemulihan) 1983 atas kesalahan gagal melaporkan diri di balai polis.